

birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá um sama efni nr. 78 12. marz 1969.

*Atvinnumálaráðuneytið, 27. október 1969.*

**Ingólfur Jónsson.**

*Þorv. K. Þorsteinsson.*

27. október 1969.

Nr. 270.

## **G J A L D S K R Á**

### **Rafveitu Njarðvíkur.**

#### **I. RAFORKA**

Rafveita Njarðvíkur selur raforku á þann hátt og við því verði, sem hér segir:

##### **1. Lýsing.**

1. Um kwst.mæli á kr. 8.10 hver kwst.
2. Um kwst.mæli á kr. 2.95 hver kwst. auk fastagjalds, er nemi kr. 39.50 á ári af hverjum fermetra gólfflatar í rúmi því, er lýsa skal. Fullt fermetragjald skal greiða af gólfleti í verzlunum, vinnustofum og á skrifstofum, en fyrir geymslur og ganga skal greiða kr. 12.15 af fermetra á ári.

##### **2. Almenn heimilisnotkun.**

1. Um kwst.mæli á kr. 1.86 hver kwst. Auk þess skal greiða fastagjald kr. 0.80 á mánuði af gólfflatar ferm. íbúðar. Leiga af einum mæli er innifalin í fastagjaldinu.

##### **3. Vélanotkun.**

1. Um kwst.mæli á kr. 4.75 hver kwst. Hafi vélnar mjög stuttan notkunartíma, má krefjast minnsta árgjalds kr. 953.00 á hvert uppsett kw. vélanna.
2. Til fiskiðnaðar með fasttengdum vélum, kr. 4.60 hver kwst.
3. Ef uppsett rafvélaafl fasttengdra véla við fisk-, kjöt- og mjólkuriðnað er yfir 20 kw.
  - a. Um kwst.mæli á 1.40 hver kwst., enda megi þá rjúfa strauminn í allt að 3 klst. á dag í mesta álagstíma rafveitunnar um hádegisd, og síðdegis en þó eigi lengur en 1½ klst. í senn. Notandi kostar klukkurofa fyrir vélalagnir eða tvígjaldsmæli, sem er til eftirlits með að rofið sé á tilskildum tímum.
  - b. Um tvígjaldsmæli á kr. 8.60 hver kwst. í 1½ klst. á dag í tímum mesta álags rafveitunnar, en þó eigi lengur en 1 klst. í senn en 1.40 aura hver kwst. utan þess tíma.
4. Um mæli á kr. 2149 00 fyrir hvert kw. mesta notaðs afls á árinu mælt sem 15 mínútna meðalálag og auk þess 0.80 aurar á notaða kwst.

##### **4. Stórnotkun.**

Um mæla þannig reiknað enda sé aflnotkun minnst 200 kw.

Afgjald 2653.00 kr. árs kw.

Orkugjald 0.32 aura hver kwst.

Sala skv. þessum lið er háð ákvörðun rafveitunefndar.

### 5. Hitun.

1. Um kwst.mæli á 0.64 aura hver kwst., enda megi þá rjúfa strauminn allt að 3 klst. á dag á tímum mesta álags rafveitunnar um hádegið og síðdegis, en þó eigi lengur en 1½ klst. í senn.
2. Um kwst.mæli á 0.32 aura hver kwst. í klst. 9 á tímum frá kl. 22 til 7.

#### Önnur skilyrði fyrir raforkusölu til upphitarar:

- a. Að vélaafl, línur og spennur þoli álagið að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra. Kostar þá notandinn tengingu þeirra og greiðir leigu af þeim samkv. reglum, sem gilda um leigu mæla.
- c. Að hitalagnir, þar með talin öll tæki, séu gerð samkv. fyrirmælum rafveitunnar, ofnar fasttengdir með sérstökum rofum og hitastillar notaðir.

### 6. Önnur raforkusala.

1. Raforku til suðu má selja til gistihúsa, veitingahúsa, sjúkrahúsa og annara slikra staða 2.50 kr. hverja kwst., enda sé notkun mæld með sérmæli og suðutæki fasttengd.
  2. Til nota um vinnulagnir við byggingar meðan á byggingu stendur, um kwst.-mæli á 4.85 hver kwst.
  3. Til bökunarofna í brauðgerðarhúsum um kwst.mæli á 0.80 aura hver kwst. á tímanum frá kl. 22 til 8.30 og kr. 1.85 hver kwst. frá 8.30 til 22.
  4. Til gatnalýsingar á 2.60 aura hver kwst.
- Alla rafmagnsnotkun, sem ótalin er og ekki kemst undir aðra liði þessarar gjaldskrár, skal setja eftir gjaldskrárlið 1—1.

### 7. Mælaleigur.

Rafveitustjóri ákveður stærð og gerð mælitækja, sem nota skal fyrir hverri veitu og er sú ákvörðun skuldbindandi fyrir notandann, sem skal greiða af mælitækjum sem hér segir:

- |   |                    |
|---|--------------------|
| 1. Af einfasa mælum upp að 30 amp. .... | kr. 13.30 á mánuði |
| 2. Af þrífasa mæli upp að 50 amp. ....  | — 15.30 — —        |
| 3. Af þrífasa mælum 50—200 amp. ....    | — 39.10 — —        |
| 4. Af þrífasa mælum yfir 220 amp. ....  | — 57.30 — —        |

Af öðrum mælitækjum en þeim sem nefnd eru í gjaldskránni, skal ársleigan vera sem næst 20% af verði mælitækisins. Leigan er innheimt um leið og gjald fyrir raforku.

### 8. Opnunargjöld.

1. Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veituna, skal taka gjald fyrir enduropnun 292.00 kr.
2. Ef fundin eru við skoðun óleyfileg eða of stór vör, skal veitunni lokað tafarlaust, og verður hún eigi opnuð aftur fyrr en notandi hefur greitt kr. 292.00 á skrifstofu rafveitunnar.
3. Verði raforkunotandi uppvís að notkun raforku án mælingar, skal hann sæta ábyrgð skv. lið 2, nema þyngri refsing liggi við.

## 9. Heimtaugargjöld.

Rafveitustjóri ákveður stærð og gerð heimtaugar og eða spennistöðvar fyrir hverja húsveitu. Umsækjandi heimtaugar skal gera grein fyrir væntanlegri notkun húsnæðis og helztu raforkunotkun jafnframt leggja fram raflagnateikningar.

Ein heimtaug er lögð að hverri eign (hverri lóð), og skal greitt heimtaugargjald af hverri heimtaug (spennistöð) fyrir allt að 15 metra. Jarðstrengsheimtaug frá jarðstrengskerfi og allt að 30 metra. Loftlínuheimtaug frá loftlínukerfi samkv. eftirfarandi tölu:

| Gjaldskrár-<br>liður | Málmstraumur<br>í 3 × 220<br>V kerfi<br>Amp. | Stofnvara<br>í 3 × 380<br>V kerfi<br>Amp. | Hámarks-<br>afl<br>KVA | Heimtaugar-<br>gjald |
|----------------------|--|---|------------------------|----------------------|
| 1.                   | 2 × 60                                       | 1 × 60                                    | 13                     | 8 763.00             |
| 2.                   | 3 × 60                                       | 2 × 60                                    | 22                     | 11 412.00            |
| 3.                   | 3 × 100                                      | 3 × 60                                    | 38                     | 16 360.00            |
| 4.                   |  |   | 50 sp.                 | 19 383.00            |
| 5.                   |  | 3 × 100                                   | 66                     | 26 992.00            |
| 6.                   | 3 × 200                                      |   | 75                     | 32 722.00            |
| 7.                   |  |   | 100 sp.                | 38 751.00            |
| 8.                   | 3 × 350                                      | 3 × 300                                   | 132                    | 53 714.00            |
| 9.                   |  |   | 150 sp.                | 61 609.00            |
| 10.                  |  |   | 200 sp.                | 77 503.00            |
| 11.                  |  | 3 × 350                                   | 231                    | 87 688.00            |
| 12.                  |  |   | 300                    | 123 257.00           |
| 13.                  |  |   | 500                    | 205 928.00           |

sp. = spennir.

Rafveitan leggur ekki jarðlínu heimtaugar að húsum á þeim tíma, sem frost er í jörðu.

Lengd heimtaugar reiknast frá lóðarmörkum við götu, stytztu greiðfæru leið að varkassa í útvegg. Teljist hagkvæmara að hafa kassa á innvegg skal leita samþykkis rafveitustjóra um gerð og frágang pípu, sem strengurinn verður dreginn í.

Sé jarðlínuheimtaug lögð frá loftlínu (samkv. ósk heimtaugarbeiðanda) skal lengd heimtaugar reiknuð frá loftlínustólpa að inntakskassa, en skeri heimtaugin akbraut, skal breidd akbrautar dregin frá, yfirlengdargjald jarðstrengs reiknast á hvern metra, umfram fyrstu 30 m þannig:  $Y_1 = (250 \times 4 \text{ KVA}) \text{ kr./m}$ . Yfirlengdargjald loftlínu reiknast á hvern metra, umfram fyrstu 30 m þannig  $Y_1 = 50 \times 3 \text{ KVA kr./m}$  að viðbættum kr. 4140.00 á hvern staur í umframlegnd.

Sé lögð bráðabirgðarheimtaug í vinnuskúr eða hús í byggingu, er greitt fyrir hana eins og hér segir:

|                       |              |
|-----------------------|--------------|
| 60 amp. einfasa ..... | kr. 2 153.00 |
| 60 amp þrifasa .....  | — 2 583.00   |

Séu aðstæður þannig að kostnaður við lagningu bráðabirgðarheimtaugar verði óeðlilega hár, má taka gjald fyrir hana samkv. kostnaði.

Telji rafveitustjóri að auka þurfi flutningsgetu heimtaugar eða spennis, skal notandi greiða mismun, samkv. gjaldskrá. Sé nauðsynlegt eða hagkvæmara að setja upp spennistöð að mestu eða öllu leyti vegna eins notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að dómi rafveitustjóra vegna staðsetningar stöðvarinnar. Þegar lóð er lögð til, er það gert rafveitunni að kostnaðarlausu, og skal í öllu hlíta skilmálum rafveitunnar um stærð og staðsetningu stöðvarinnar.

Þegar húsnæði er lagt til skal það fullnægja settum skilyrðum um gerð spennistöðvarhúsa, að dómi rafveitustjóra. Eðlilegur kostnaður notenda við gerð húsnæðis fyrir spennistöðina greiðist af rafveitunni (í leiguformi, t. d. fyrir lengri tíma), og kemur þannig til frádráttar heimtaugargjaldi. Gjaldskrá þessi gildir í skipulögðum hverfum.

Sé um óskipulagt hverfi að ræða, eða aðstæður óeðlilegar, skal greiða heimtaugargjald samkv. kostnaðarreikningi. Heimtaugargjald skal greitt við umsókn.

#### 10. Ýmis ákvæði.

Söluskattur samkv. lögum nr. 10/1960 um söluskatt, með síðari viðaukum og breytingum, er talinn með í upphæð gjaldanna, sem um ræðir í gjaldskrá þessari.

Hreppsnefnd er heimilt að hækka og lækka gjöld, sem ákveðin eru í 1. og 2. lið gjaldskrár um allt að 20% án sérstakrar staðfestingar ráðuneytis, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Njarðvíkur nr. 73 10. marz 1969.

*Atvinnumálaráðuneytið, 27. október 1969.*

**Ingólfur Jónsson.**

*Þorv. K. Þorsteinsson.*

## AUGLÝSING

**um breyting á samþykkt um afgreiðslutíma verzlana  
á Akureyri nr. 11 6. janúar 1966.**

#### 1. gr.

1. og 2. mgr. 5. gr. orðast svo:

Bæjarstjórn getur leyft, að fenginni umsögn heilbrigðisnefndar, að söluturnar og sambærilegir sölustaðir séu opnir alla daga frá kl. 08.00 til kl. 20.00 á tímabilinu 1. janúar til 31. marz. Á tímabilinu 1. apríl til 31. desember frá kl. 08.00 til 23.30, sbr. þó a-lið 4. gr.

Einnig getur bæjarstjórn leyft, að minjagripaverzlanir hafi opið alla daga frá kl. 08.00—23.30 á tímabilinu 1. júní til 15. september, enda verði sótt um leyfið til bæjarráðs.

Samþykktarbreyting þessi, sem bæjarstjórn Akureyrar hefur samþykkt samkvæmt lögum nr. 17 frá 1. febrúar 1936 um samþykktir um lokunartíma sölubúða, öðlast þegar gildi, þó með þeim takmörkunum, sem lög nr. 45 frá 15. júní 1926 setja og birtist til eftirbreytni öllum þeim, sem hlut eiga að máli.

*Félagsmálaráðuneytið, 29. október 1969.*

F. h. r.

**Hjálmar Vilhjálmsson.**

*Gunnlaugur Þórðarson.*